

Multi proposta XILÓGLIFO

Prezo: 726,00 € (IVE incluído)

Descrición

A peza XILÓGLIFO é axeitada para diversos usos: mesa auxiliar, banco, mesa de centro, peaña ou incluso elemento decorativo.

Traballada a partir dun toco de póla da castiñeira, un retallo de coiro — procedente da correa dun bolso para cámaras fotográficas dos anos cincuenta— abraza a peza e actúa como contención para que as fendas derivadas do seu proceso de secado non se expandan, garantindo a estabilidade estrutural.

Os pequenos pés que a sustentan e colocan a nivel son de buxo.



Multi proposta XILÓGLIFO

Medidas

Alto 295 mm

Diámetro máximo 350 mm

Peso

19,1 kg (sen embalaxe)

Capacidade de carga

80 kg

Material principal

Castiñeiro macizo

Outros materiais

Coiro: reutilizado procedente dun bolso para cámaras fotográficas dos anos cincuenta

Madeira de buxo

Parafusos



Multi proposta COIRO e XILÓGLIFO

Tratamento da madeira

Na base e na tapa, descortizada e pulida ata chegar a un gran 320, tras recibir seis pasadas de auga para eliminar todo o repelo e protexida con lasur incoloro á auga para protección e mantemento da cor orixinal, resaltando a veta da madeira de castiñeiro.

Na contorna, pulida con suavidade para non eliminar toda a floema, de xeito que as marcas de xilófagos perduren. Protexida despois con lasur incoloro á auga para protección e mantemento da cor orixinal, resaltando a veta da madeira de castiñeiro.

Os pés de buxo tamén foron lixeiramente pulidos e tratados con lasur.

Cor

Madeira de castiñeiro natural. Varía segundo a consistencia, sendo máis escura nos bordes ou nas áreas onde os taninos protexeron á árbore cando vivía.

As cores da madeira poden variar nas fotografías e á vista, dependendo da luz á que se expoñan.

Co paso do tempo a madeira irá adquirindo unha pátina máis escura.

Se é situada nun lugar onde fique exposta á luz solar directa, escurecerá máis.

Consellos de instalación

A peza multi proposta XILÓGLIFO non precisa montaxe. Só hai que colocala no lugar escollido.

Limpeza e mantemento

Para a madeira: limpar unicamente cun pano limpo lixeiramente humedecido para retirar po ou graxa e deixar secar antes de volver colocar elementos sobre a balda da peza.

A peza multi proposta XILÓGLIFO presenta fendas e estrías producidas no seu proceso de secado. Se é exposta á chuvia, alta humidade ou sol directo, estas fendas poderían abrirse. Por iso, e aínda que a colección CASTIÑEIRA só conta con pezas aptas para interiores, nesta peza facemos un recordatorio específico.

Para o coiro: limpar unicamente cun pano limpo e seco ou un plumeiro. É recomendable aplicar unha noz de crema hidratante de xeito homoxéneo cada seis ou doce meses, dependendo da humidade relativa da estancia (a menor humidade, máis frecuencia).

Non pousar sobre a madeira obxectos mollados ou que a poidan tinxir.

